



Kamis, 3 Februari 2022
Ogen: Esekiel 25: 15-17



"Inanamina Pernembah Ateku"



Pernah nge mesangat kal rawanta sedekah kita ndalani kegeluhenta? Kai si lakoken tupung kita merawa man kalak sideban? Banci saja si sampetkenna barang-barang si lit i deherta, banci ka si isakken pe si segat ateta ndai, lit deba tangis erkiteken rawana, lit deba pek-pekna meja si lit i deherna, lit si serko ras sidebanna. Enda me ekspresi siicidahken sekalak jelma adi nggo seh kel ia rawana.

Dibata seh kel rawana nandangi kalak Pilisti sierbanca IA ngerana alu mbages guna ngkernepkennsa. IsasapkenNa ras iukumna kerina kalak Pilisti rikut ras inganna tading ipekenditNa. Erbage-bage Kelepaken ibahan kalak Pilisti si erbahanca ceda pusuh Dibata. Lanai iergakenna Dibata Si Mada Kegeluhen e, rate-ate ia nandangi bangsa Israel ras megombang pe.

Perbahanen megombang man Dibata e kepe sada kejahatan i lebe-lebe Dibata. Si inget nge maka kita pe pernah erbahan ceda pusuh Dibata? Banci saja Dibata la langsung ncidahkan rawaNa man banta sekalak-sekalak tapi perlu si penanam-namam gelah si eteh kai sura-sura Dibata man banta. Tuhan erdolat man banta, Ia erkuasa guna ngukum kita kerina si la ngergaken Ia selaku Dibatanta. Ulanai timai rawa Dibata sabap kai pe baci ibahanNa i bas kinirawanna e. Tuhan Dibata si mecimberu, Ia me penundalenta. Di kune si gejap rawaNa e enggo seh man banta madin ngakuken kerina salah lepakta, ulanai timai pagi. Si ngakuken salah lepakna ngaloken pengalemi i bas Dibata nari. Kiniulin Dibata nandangi kita sirespon min alu ndalanken sura-suraNa.

Pekena hubungan mehuli ras Dibata